


40
Polem.

2051

Fiche

4000
1200



Uderricht
Philip. Melancht.
wider die Lere der
Widerteuffer auß
dem latein ver-
deutschet / durch
Iust. Jonas.
Wittenberg.
M. D. XXVIII.

Dem erbarn vnd achtbarn/ Ern Mich-
ael Meyenburg/ vberstadtschreiber zu Nouthau-
hausen meinem günstigen freunde/ Just Jonas




Made vnd fride Got-
tes in Christo/ Besonder güns-
tiger freund/ Es hat/ Philip-
pus Melancthon/ mein lyeber
herr vnd freund/ ein kurze vnd
derricht/ wider den yrrthumb
der Widertansse/ offentlich in
der schule/ lateinisch gelesen.

So mir nu/ dasselbig yetzund newlich/ als ich zu Nort-
hausen/ in meinem vatter land gewest/ zu kommenn/
vnd ich ganz verhoffe/ es solle vilen frommen hertzen
vnd gewissen/ so durch solche falsche lere/ möchten be-
trübt oder auch verfürst werden/ zu errettung kommen/
habe ich solchs in eyl verdeutschet/ Vnd euch als mey-
nem besondern gütensfreunde/ wollen also vbersenden
vnd zuschreiben/ zweiffel nicht/ jr vnd ander liebhab-
er des Euangelij/ werdet solchs gerne lesen/ Vnd

Got dem herren/ für solliche gewaltige gnedige
erhaltung der rainen lere/ vnnnd götlicher
warheit von hertzen dancken. Ge-

ben montag nach Purificati-
onis/ Anno. etc.
M. D. vnd
XXviij.





Ch hab zuuor offte auch ge

leret/welche die heuptstucke weren/die ayn-
em yeden Christen von nöten zu wissen/wie
denn die/der Herr Christus selbs annzaiget/
do er besilhet zu predigen/Büße vnd verge-
bung der sünde. Vnnd Paulus der Apostell

hat auch wollen vns die fürnemeste heuptstuck der Christlich-
lere/zeigen/do er saget/Die heuptsumma des gepots ist liebe vñ
einem herten/vnd von vngeserbetem glauben etc. Die selbige
en heuptstucke treyben auch allenthalb die Propheten/vnd one
das/helt die ganze schrift vns für/dise fürnemeste gründ/Büß
Glauben/Liebe/Gedult/vnd andere fruchte des glaubens/dye
selben heuptstucke müssen wir allezeit vor augen haben/damit
sollen vnser hertz vnd gedancken vmbgeen/darinn sich üben/dz
also teglich zunemen müge in vns rechtschaffene Gottes forche
vnd warhafftiger glaube/recht vnd warhafftig Gottes erkent-
nus/vnd so offte wir einen ort der schrift handeln/sollen wir für-
nemlich die heuptstucke darinne suchen/das wir also die rechte
Summa Christlicher lere/reichtig vnd einfeltig einnehmen vnnd
fassen mügen.

Aber diser zeit/kerenes die Widerteuffer vnnd etlich anndere
gleich vmb/lassen das erkentnis Christi/welchs die rechte weiß-
heit ist/ligen/hadern sich vmb eusserliche Ceremonien/vmb mä-
schen sagung on auffhören/die weil wird der waren Büße/des
glaubens/des creuzs/der liebe/vnd anderer Christlicher fruch-
te vnnd wercke geschwigen. Wir haben aber zuuor offte/die
heuptstucke/vnd Summa Christlicher lere gehandelt/vnd wol-
lens villeicht hernach/auch herwider erhollen.

Die weyl nu von den Sacramenten/so vil heßlicher/schedlich
er yrrthum vnnnd zwittracht fürfallen/wollen wir die selbigen
hie rüren/damit wir die einfeltigen vnd vnerfarnen leut/wider
solche ketzerey/so von tag zu tag in grosser zal sich meren/rüß-
mögen/Denn es ist gar schwer bey der rechten warheit bleiben
vnd fest halten/Wenn so vil ergernus vnd ketzereyen/so vil zwis-

tracht einfallen/vnd gehet gemeinlich also/das einn irtumb bald aus dem andern erwechst/vnd eine ander ketzerey die ander gebirt/wie auch Paulus annzaiget/do er saget/Es werde alles mit den ketzern yhelengeryhe erger.

Für das erste/wöllen wir sagen/was das wort Sacrament heysse. Sacrament ist ein eusserlich zeichen von Got eingesetz das neben sich ein Götlich verheissung hat/Vnd gefelt mir das wort wol/der alten/Accedat ad verbum elementū/et sit sacramentū/das ist/Wen zum wort/das wasser/oder ander eusserlich zeichen/than wird/wird ein Sacrament drauß/Denn die zwey stücke/sind an einem yeglichen sacrament/Das eusserliche ding ober zeichen/das da bedeut/die verheissene Gottes gnade/Vnd das wort/oder Götliche verheissung/da durch gnad wird zugesagt/da durch das selbige zeichen wird befolhen vñ eingesetzt/So künde man nu vil Sacramentt herzellen/so einer alle eusserliche zeichen/so götlich verheissung haben/wolte zusammen lesen als ein exempel/creutz vnd trüßsal/were ein Sacrament/Denn es ist ein eusserlich ding/daneben Gott hat sein hulde vnd gnad zugesagt/als in disen sprüchen vnnd der gleichen .i. Corinth. x. Wenn wir aber gericht werden/so werdenn wir vom herrn gezüchtiget/das wir nicht sampt der welt verdampft werden. Item/welchenn sonder vatter liebet/den züchtiget er. Item/rüffe mich an ynn zeit der not/vnd ich wil dir aus helfen. Wie wol da vnser schwaches fleisch vnd vernunfft/zu ruck weichet/vnd achtet den trüßsal für ein zeichen Götlicher vngnade/so sollen wir doch nicht aus vnsern dunckel ober vernunfft/sondern aus Gottes zusage/gewis schliessen/vnd festeglauben/das es ein zeichen Götlicher hulde vnd gnaden sey/Also möchte mann auch sacrament nennen/alle werck der liebe/denn die haben ein angehefft Gottes wort vnd verheissung/Gebet so wird euch geben werden/Vergebt so wird euch vergeben werdē. Denn gleich wie der Regēbogē ein zeichen ist/das das menschlich geschlecht nicht mehr solle durch sündflut vnnd wasser verderbenn/also seind die werck der liebe zeichen/das vns Got widerumb vergeben wil.

Vom brauch der Sacrament

Vnd wie das sel Gedeonis ein eusserlich zeichen war/des verheissenen sigs vnd vberwindung/also ist trübsal vnd creuz ein eusserlich zeichen/der verheissenen Gottes hulde/Doch wie das sel Gedeon nicht hat gerechtfertiget oder from gemacht/sondern der glauße/da durch er sich auff Got verlies/Also rechtfertiget niemants der trübsal oder creuz an yhm selbst/oder wercke der liebe/sondern sein nur ein zeichen/ß verheissnen gnad / Der halben gehört darzu glauße/der gottes zusage gleube.

Auff diß weis künd man vil ander ding zusamē lesen/auff der schrift die da angeheffte verheissung haben götlicher gnade / die man recht vnd wol möcht sacrament nennen. Wir aber zu diser zeit/nach gemeinem Christlichen gebrauch / nennenn die zwey sacrament/Tauffe/vnd sacrament des leichnams vnd des blües Christi/Denn es seind fürnemlich eusserliche Ceremonien von Gott eingesetz/welche haben angehefft Gottes wort vnd verheissungen.

Vom brauch der sacrament.

Die weil nu von dem wort sacrament gnug geredt/wollē wir auch in gemein vom brauch der sacrament reden. Für das erste müssen wir das wissen/das die sacrament nicht allein darumb eingesetzt/das sie solten zeichen sein/die Christen zu vnderscheiden vnd zu erkennen/gegen den heiden/wie vorzeiten/etlich Kleidung die Römer/vnterschieden von den Kriechē/oder wie vns die Kleidung vnterscheidet von münchē/Den also dörfßē ietzt etlich offentlich schreiben/dz die sacrament darß vns eingesetzt/dz wir badurch den heiden anzeigen/das wir an Christon glauben/vñ das wir vnsern glauben für den menschen bekennen/vnd durch vnser epempel ander auch zum glauben/oder Christum anzunemen/reizen.

Uom brauch der Sacrament

Wir sagen aber/das die sacrament sind zeichen Götliches willens gegen vns/vnd sein nicht allain zeichen/da bey man die Ercken kenneet/oder sie sich für Christen bekennen vor den leutten/Denn gleich wie das sel Gedeonis nichtt allein ein zeichen oder losung war/das bey man sein Ertegsuolck kenneet gegen den feynnden/sondern vil mer ein zeichen vnd pfand Götlicher hulde vnd gnediges willens/also sind vns auch die sacrament ein zeichen Götliches willens/Wie auch Christus saget/Das thät zu meinem gedechtnus. Christus aber gedencen/ist nicht allein dye andern leren/sondern gedencen seiner grossen wolthat/welche wir empfangen haben durch seinen tod vnd aufferstehung/das ist gedencen/andie vergebung der sünde/die wir durch in empfangen haben/Denn gleich wie der gnedige Gottes wille wirdt angezeigt/im wort oder verheysung/also wirdt er auch angezeigt im eusserlichen zeichen/wie in einem fürgestelten bild odder gemelchel/Vnd wie das wort mit den oren gehört wirdt/das es dē glauben im hertzen erwecke/also wirdt das fürgestelt zeichen mit den augen gesehen/das es den selbigen glauben im hertzen erwecke. Darumb hat Augustinus gesagt/Sacrament ist ein sichtlich Göttes worts/den es bedent gleich das selbige/das durch Gottes wort wirdt zugesagt/vnd ist wie ain tafel oder gemälde Götliches willens/Gleich wie das wort ein stimme ist/die götlichen willen anzeigt.

Dieses habe ich vom brauch der sacrament den leser vnderrichten wollen/Denn etlich leren/das allayn also der sacrament zu brauchen sey/das wir dadurch vor den leutten vnsern glauben bekennen/vnd lassen diß grösste nödigste stück nach/das der sacrament also zu brauchen/das sie vns erinnern vnd vermanen/was wir von Got empfangen haben/nach dem sie vnsern glauben erwecken/Befestigen vnd auffrichten/Vnd diß stück wirdt Elerer züwersteen werden/wenn wir von eines yeglichen sacraments brauch für sich sonderlich reden werden.

Zum andern/müssen wir hye vnterrichte thun/das die sacrament alleine niemands rechtfertigen oder from machen. Den

Vom brauch der Sacrament

Die ienigen irren/die da meinen/das sie vergebung der sünde erlangen/alleine mit dem wercke wenn sie zum tisch des Herren gehen/Denn Paulus leret allethalben/das wir aus den wercken des gesetzes/nicht from oder rechtfertig werden/sonnder allein aus dem glauben. Gleich nu/wie Gottes wort allein hören on glauben/niemandts from oder rechtfertig macht/also der sacrament brauchenn on glaubenn / macht niemandts fromm/Denn wie ich gesagt/das sacramēt selbs/ist ein sichtiglich wort/Den gleich wie die stimme des worts/wird in die oren gefasset / also wird das eusserlich zeichen oder sacrament mit den augen gesehen/das es die hertzen bewege zu gleuben.

Vnd nach dem die sacrament vnd eusserliche zeichen/angeheffte Götliche verheysung haben/Brauchen wir denn erst / der sacrament wol vnd recht/wenn wir glesen/das wir das ienige erlangen/so Got durch sein wort zugesagt / Denn die verheysung erfordern den glauben/wie Paulus zum Römern an vierden leret/nemlich/das Abraham nicht from worden sey / allein aus dem werck der beschneidung / sonder das die beschneidung sey ein zeichen gewest / der gerechtigkeit/das ist / da durch Gott zeuget/das er dem Abraham gnedig sey/vnd inen zu gnaden anneme.

Durch solche eusserliche zeichen vnd zeugnis / wird Abrahams glaube/gesterck vnd beuestiget/durch welchem er für Gott gerecht worden. Darumb nennet Paulus die beschneidung ein zeichen oder sigel der gerechtigkeit/Den gleich wie mich brieff vnd sigel gewis macht von eins andern gemüt vnd willen also ist Abraham durch die beschneidung gewis gemacht von Gottes willen/also sollen wir auch vnser sacrament brauchen / vnd halten/für eusserliche zeichen der gerechtigkeit/welche vns Christus geben hat/das sie es zeugen/wie vns die sünde vergebe sollen sein/vnd wir für Gott from vnd gerecht werdenn/Denn die wir getauffet sein/tragen eyn zeichen/da durch Christus zeuget/das er die sünde vergebe/allen/den sie hertzlich leid sein / die erschrockene gewissen haben.

Von der Tauffe

Vnd sol das zeichen nicht weniger oder geringer bei vns gela-
sen/denn als wenn Gott teglich von himel durch ein new wun-
derwerck oder zeichen/vergebung der sünde zeuget/Vnnd sein
das eitel traurn lere/das du dencken woltest/die krafft der tauff
wircke allein die zeyt/wenn sie leiplich geschicht/als sey die tau-
ffe an gewisse stunde/dis oder yhene zeit gebunden/sondern wir
tragen ewiglich dis zeichen/der waren büsse/vñ verheissnen gna-
de/Darumb wircket die krafft der tauffe das ganze leben durch
vnd durch/das ymmerdar der alle Adam gedöbt werde/d new
mensch durch gnade vnd geist wachse/vnd zuneme.

Von der Tauffe



Die Tauffe/ist ein eusserlich zeich-
en/welchs bedeut/die büsse vnd vergabung
der sünde. Denn für das erste/das die Tauff/sey ein
zeichen der büsse/zeiget Johannes der Teuffer an/Mathei am
dritten/da er sagt/Ich teuffe euch im wasser zur büsse. Vnnd
wie die predig Johannis ist eyn predige der büsse/Wie Esaie.
am vierzigsten geschriben steet.

Also ist die tauffe ein zeichen des selben worts/das Johannes
gepredigt. Weytter/das die tauffe sey ein zeichenn/der vergeb-
ung der sünde/erscheint auß den worten Christi/da er sagt/Wer
da glaubt vnd getaufft wirt/der sol selig werden. Vnd Paulus
zu Tito am letzten/nennet die tauffe/ein bad der widergepurt/
vndernewerung des heiligen geists.

Derhalben ist die tauffe nicht allain eyn zeychenn der büsse
odder tödtung des alten menschen/sonnderlich dye weyl dye
predige der büsse/im Euangelio vnnd neuen Testament/nicht
plossschrecken vnnd Gottes drawung yhn sich hatt/sondern
allenthalben mit annghefft/ayn gnedige verhayssung/vnnd
zusage Götlicher hulde vnnd gnadenn/Wyedenn Johannes
wort

Von der Tauffe.

wort lauter/Thut büsse/Do setzt er als bald drauff/Denn es nahe sich das himelreich. Vnnd Johannes am erstenn/Sihe das ist das lamb Gottes/das der welt sünde wech nimpt. Darumb ist die tauff nicht also ein zeichen der büsse/das sie nicht zugleich mit/ein zeichen sey der gnaden/vnd vergebung der sünde/Vnd ist nicht also zu verstehen/als wircke die tauffe nur auff einmal oder zeit/vnd sey do mit aus/Sondern die tauffe ist ein zeichen/der büsse/vnd vergebung der sünde/das ganze leben durch vnd durch/also/das es eitel sterben/vnd auferstehen mit vns ist/die wir glauben/bis an natürlichen tod/Wie Paulus sagt zum Römern am sechsten. Alle die wir in Jesum Christ taufft sind/die sind yn seinen tod getaufft/So sind wir ihe mit yhme begraben/durch die tauffe in den tod etc.

So nun die tauffe ein zeichen ist/der büsse vnd tödtung des alten menschen/vnd die selbig müs nu das ganze leben durch in vns wircken/bis wir natürlich gar diesem leben absterben/so ist klar/das die tauffe nicht ein werck sey oder zeichen/das nur zu einmal oder zu einer zeit wircke oder gehöre/sondern es ist ein zeichen der büsse/vnd tödtung vnsers fleisches das ganze leben durch.

Darumb/so ist auch das widerteyssen nicht von nöten/sonst müßten wir vns teglich wider teuffen lassen/den wir soll stets den alten Adam tödten/büße thun/für Gottes vrtail erschreckt ein/durch den glauben vnd gnade wider auffgericht/getröst/vñ lebendig werden/on auff hören/bis das wir ins grabtomen.

Vom brauch der tauffe.



Also ist nu der Tauff zubrauch
en/das die tauffe/vns sol schrecken/vnnd
der büße erynnern/vnd vns anzeigen/den größe
mehetigen ernst vñ zorn Gottes/wider die sünde.
Vnd nach dem wir yn namen Christi vnnd inn Christum ge-
tauffet werden/leret vns diß zeichen an Christo recht ansehen

Uom brauch der Tauff

vnnnd mercken/den grossen schrecklichen Gottes zorn / vber dye sünde vnd alle sündere/Denn ein solche vngnad vnd ernster gottes zorn/steht vber der sünde/das keine creatur/keines engels/keines heiligen werck oder tod/hat die sünde mügen wegnemen sondern seinen eingebornen son hat Gott für dye sünde wöllenn zum opffer geben/Vnd ist die hohe person vnnnd maiestet/nicht allain eusserlich verspott/oerspöyet/vndeins schmelichen todes am creutz gestorben/sondern auch ynnwendig in seinem hertzen do er in vnser schwachheit/als einer der von Got verlassen/vnnnd verworffen/were/angst vnd not/der hellen vnd tods schrecken mit vnßglichem bidden vnd zyttern/erlitten.

So nu Got vber die sündere so hefftig vñ ernstlich zürnet/verynnert vns die Tauff/durch welche wir mit Christo geystlich begraben sein/in den tod/das wir vns warlich entsetzen sollen vnd ernstlich erschreckē/ vor dem zorn Gottes/wie auch Cristus sagt Wainet nit vber mich sond vber euch vnd ewre kinder. Er weist die vrsach seines tods auff vnns/als solt er sagen/ Ich leyde wol disen tod/aber für euch. Ich trage den grossen ernsten Gottes zorn/welchen ich nicht erregt habe/sondern jr habet den verdienet/es sey denn/das jr ernstlich weinet vnd ewer sünde erkennen/wirt die schwere straff vber euch geen/vnd gottes zorn auff euch bleiben. So ist nu dz der recht brauch der tauffe/herzliche sich mit ganzem ernst vor dem Gottes zorn entsetzen. Derhalbß besudeln die tauffe vnd mißbrauchen der tauff alle/die sicher vñ leßig on herzliche gots forcht/on büße leben/Wenn sie auch geleich alle tag sich auffs new teuffen ließen. Das zeichen gödelich-es vrteyls vnd vnfers todes/wirt ein mal geben/Derhalbenn ist nit von nöten/das zeichē wider züerholn/oder züernerewē/sond da sollen wir auff sehen/was das zeichenn bedeut/Wir habenn als die zum tod durchs blütgericht verurteilt seyn/ain zeichē empfangen vnfers tods vnd Gödelichs vrteyls/Darumb sollen wir von hertzen erschrecken/büße thun/das wir also herzlich erfare das Gott gütt recht hat vber vnns zü zürnen vnd sünde zü straffen/doch ist nicht gnüg/die tauff nur als ain zeichen des schreck

Uom brauch der Tauffe

ens/vnnd zorns allain ansehen/sondern in dem erkennen des zorns müssen wir die zusage Gottes vnd den glauben fassen/ansehen die tauff/vnnd erkennen als ein zeichenn Götlicher hulde vnnd gnade/vnnd zugesagter gnediger/vergebung aller sünde/Vnd müssen also alle beyde worte Johannis ergreyffen/nicht allain diß/chüt Süße/sondern auch dises/Es nahet sich das hymelreich/Item das ist das lamb gottes. Vnnd also so oft das gewissen in angst vnd not ist/mit zweyffeln vnd verzagen/vß erfallen vnd gedreng/sollen wir ansehen/diß eusserliche zeychen vnd sigel der verheissen Götlicher gütte/vnd gnediges willens welchs ain Gots zeugnus ist/der verheissen gnade/Wo wir anders Got warlich glauben der es verheissen hatt/vnnd der selbe glaube/der in solchem engstlichem schrecken/vnd nöthen/vnns wider aufrichtet/ist die gerechtigkeit die vor got gilt/vnnd die frumkeit/welche Got erfordert. Die also glauben/die halten vñ sind recht gesinnet von Got/die sehen vnd fülen/das vnns got ganz lieb hat/das er als ain vatter für vns sorget/vñ Christus willens

Also ist nu der Tauff zübrauchen/auch zü ainem trost/vnnd wie das wort ist geben/das es vns wider die verzweyfflung ein sterck vñ rüstung sey/also sol diß eusserlich zeychen/tauffe/auch vnder die wafen vnd rüstung zelet werden/die vns geben sindt/wenn wir wider verzagen vnd vnglauben im kampff steen/Vñ soll vns das eusserlich zeichen nit weniger stercken/wacker vnd getrost machen zum glauben/als wenn vns new wunderzeichn vom himel eingesetzt wurden/vnnd wie das sel den Gedeon erwecket vnd aufrichtet zum glauben/also sol vns die tauffe eynern vnd aufrichten zum glauben.

Zum anderen/ist hie war zünemen nach dem die tauffe ist eyn zeichen vnser tödtung/nach dem alle menschen das alles vnser trübsals/ja auch des tods die tauffe ein eusserlich zeichen ist/vnnd das sie darzū gebe/das sie annzeyge/das aller trübsale vnnd jammer auch der tode/so der natur der sünde halben

Vom brauch der Tauff

auffgelegt/nu fortin allen gleybigen nüz gds vnd ganz selig-
lich sein/vnd das die Christen/nicht darumb mit trübsal werde
angriffen/sie zu verdammnen/sonder sie zu vben/vnd ymer mehr
vnd mehr nach ein newen leben in geist zu stercken/vnd entlich
selig zu machen. Item das alle vnser trübsal/die wir glaubenn/
yn Christus tod gepflanget eingeleiße sein/vnnd wie Christus
tod/ein angenehme opfer ist fur Got dz auch also/all vnser iamer
anfechtung vnd trübsal/die weil sie in Cristus tod durch vnsern
glauben gepflanget/auch angenehme begehliche opffer sinnd
fur Gott. Item wie Christus durch die verachtung vnnd das
creutz ist in dē tron der maiestet/vñ zū höchstē erten gsetz/also ist
die tauffe ein zeichen/das wir auch angenehme liebe Gottes kin-
der sind/welchen er helffen/die er erhören/die er in aller not eret-
ten/entlich zum ewigen leben vnd eeren setzen wil. So sollen wir
nu in allē anfechtung vñ trübsaln sehen auf vnser tauff/die vns
verinnert/das es Gott so gefellet/das wir gedemüthigt werden
manchfaltig trübsal leiden vnd tragen/vnd ist ein zeichen/das
vns in allen den selbigen/reicher trost/vnnd hülffe verheissen n
wird.

Vonder Tauffe Johannis

vnd Christi



Die eusserliche Tauff Johannis
welche Johānes darreicht/ist nit vndercheiden vñ
der eusserlichen tauffe die Christus darreicht oder
die Aposteln/Es ist einerley zeichen/das von Gott ist eingesetzt
durch den Befelß Johāni geschehē/welcher ist ein diener des ne-
wen testaments/Wie Christus sagt/Alle propheten vnd das ge-
setz haben geweissaget bis auff Johannem. Des zeichens nun/
das schon eingesetzt war/hat Christus auch gebraucht/Johan-
nes aber vnderscheidet nicht sein eusserliche tauffe vonn der eus-
serlichen tauffe Christi/sondern scheidet sein ampt vonn dem
ampt Christi. Vnd Johannes teuffet allein ym wasser/das ist/

Tom brauch der Tauff

erreicht dar die eusserlichen tauffe/vnnd prediget das wort/
Das thun auch die Aposteln/Aber Christus reicht nicht allein
dar die eusserlichen tauffe/sondernn thut gnüge für die summe/
nimpe die sünde weg/giße den heiligen geist.

Darumb ist zwischen dem eusserlichen zeichenn/das vonn
Christo wirt dargetheilt/vnd zwischen dem eusserlichen zeichen
das Johannes dardhut/kein vndercheid/alle beide bedeuten sie
vnd wircken einerley ding Aber die personen vnd ampt sind vn-
derscheiden/Johannes ist gesandt allein zu predigen/wie auch
die Aposteln. Christus aber ist gesandt/das er die sünde weg
neme/vnd den heiligen geist eingieße vnd geße. Derhalben hatt
Johannes angezeigt/das durch vnser werck oder gnügthun/
die sünde nicht wird ausgelescht/Vnd hat geleret das niemants
Gott versünet oder Gots kind werden kann/es schenckte yhm
denn Christus den heiligen geist/in sein hertz durch welchen wir
alleine geheiligt/nernewet werden/der auch allein zu allem gü-
ten vns leitet vnd treisset/Vnd gleich wie einerley Gots wort
ist/das eusserlich gehöret wirdt/es predige gleich Christus Jo-
hannes oder die Aposteln/so ist es auch ein eusserlich zeichen/ab-
er den heiligen geist ein gießen/vnnd außsteylen das hörrt allayn
Christo zu/denn wirdt aber der heilige geist geben/wenn Gott
durch sein wort oder zeichenn/das gewissen oder hertz bestorzt
macht/vnd erschreckt/vnnd widerumb auffrichte vnnd tröstet/
Denn beide/das wort vnd eusserlich zeichen werden dazu gebn
das got durch die selbigen die hertzen bewege vnd erschrecke/vñ
durch den glauben wider auffrichte/wenn sie das wort odder
zeichen ansehen.

Dise summa von der tauff ist gang not/klar vnnd richtig ein-
zunemen/zü fassen vnnd zü wissen/damit nicht traumprediger
zū faren/vnd also leren/als gehörie die tauff vnd jr wirckung nur
auff ain zeit/so wir doch der selbigen das gang leß durch brau-
chen sollen/wie ob angezeigt/nach der ler Pauli do er sagt/Wir
sind begraben mit ym in den tod.

Von der Jungen kinder Tauffe

MAn findet klar in yren schrifftten / das die alten Väter vnd leter der kirchen / die tauffe der jungen kinder räumen / Origenes vnd Augustinus schreyben auch / das solche stück von den Aposteln sey angenommen / Der gleichen Ciprianus vñ Chrysostomus / vnd Augustinus wider Julianum. Item De peccatorum meritis / beweysen das klar. Diß sage ich zum eingang / darumb / das es hoch not ist zu wissen / was die alten von einer sollichen grossen sache gehalten / Vnd man soll auch von den selbigen / on klar gewisse helle sprüche nicht weychen.

Jetzund zu diser zeit / sechten etlich die tauffe der Jungen kinder an / vnd wollen / man sol die alten widerreuffen. Dise falsche lere / wie wol sie keinen grund oder zeugnus der schrift hat / wirt von vilen angenommen / Vnd die anheber dises yrhumbs / Haben vil ander vnchristlicher lere / außbreitet / als das alle güter solln gemain sein / Es solten Christen nicht im Richter ampt seynn / noch oberkeit haben. So nu dise schwermer geister solche zeichn vnd flecken yhr gotlosen lere / an sich haben / sol billich yhr gang lere vnd fürgeben / in allen andern verdecktig vnd lose gehalten werden. Aber Christus hatt trewlich gewarnt / das inn letzten zeiten vil sollen verfürt werden / derhalben sollen wir bester fleissiger wachen vnd auff sehen / das wir keine lere / on klare gewisse sprüche der heyligen schrift annehmen.

Nu wollen wir zu der hauptsache greiffen / das ist klar vmb gewiß / das die verheissung göelicher gnade / das Euangelion vñ reich gottes / die Jungen kinder mit angehört / Diß beschlusses haben wir klar zeugnis in der schrift / Denn für das erst / war ja gebotten im gesetz / das man die Junge kinder am achten tage beschneiden müste / Nu war die beschneydung ein zeichen / der verheysnen gnade / vnd des verheysens samens nemlich Christi / in welchem alle heiden sollen gesegnet werden / vñnd Paulus

Von der Jungen kinder Tauff

nennet die beschneydung ein zeichender gerechtigkeit/zum Römern am vierdten/vñ im ersten büch Mosis am sißenzehnde ist geschriben/Ich will jr got sein/Item ein yegklich kneblin des fleisch oder vohaut nicht beschnitten wirt/des seele sol anßgerottet werden/von meinem volcke/Was sind das anders denn zu sagen der gnade/denn do er saget/Ich will jr got sein /zeyget er an/das er sich yhrer erbarmen will/vnd sie erhalten. Vnd da er dreyet/den vnbeschnittenen/zeyget er an/daser die vnbeschnitten nicht wölle annemmen/das also die beschneydung für ein warhafftig gewiß zeychengöelicher hulde vnd gnade/gehalten werde/Ich rede noch nicht von der tauffe/allain darauß schliesse ich/das die Göeliche zu sage das Euangelion der gnaden /vñ das himelreich den Jungen kindern auch gehört/Denn so dys beschneydung/welche ist ein zeichender gnade/den Jungen kindern gegeben wird/so volgt auch/das die gnade an jr selbes /vnd vergebung der sünde/den Jungen kindern gehört.

Zum andern/ist Mathei am Leuntzehenden geschriben/Lasse die Jungen kinder zu mir kommen /denn das himelreich ist jr/Vnd jr sollet jnen nicht weren/zü mir zu kommen. Diesen spruch/wöllen etliche verlegen diser gestalt/vnd sagen/ Cristus rede nicht/das das himelreich der kinder sey/sonder der yeningen so den kindern gleich werden/Aber dise deuttung vñ außlegung wirt auß den vorgehenden Worten Christi daselbst verleger/denn Christus heisset vnd besilhet die kinder zu ihm zu bringenn/darumb volget/das die angeborne gnade Christi yhnen auch gebühre/sonst solten sie nicht zu Christo getragen/sonder als die feind Gottes/von Christo hinweg geweyset werden/vnnd ob gleych die wort Christi nicht solten von Jungen kindern verstanden werden/so ist doch klar auß den Worten/das der herre Christus zu den Jungen kindern/eingnediges gefallen/vnnd väterlichen willen treget/sonst hette er nicht die selig gescholten/vnd gelobet die jnen gleych werden.

Von der Jungen kinder Tauff

Darßber sagt noch der Euangelist Marcus / am zehenden Cap.
Vnd er umbfieng sie / vnd leget die hende auff sie vnd segnet sie /
Das nicht anders mag verstanden werden denn das er sie zu ge-
naden genommen hat / vnd das er sie dem vatter befolhen hatt zu
heyligen / vnd zu erhalten.

Da gehören nu auch die hystorien vnd exempell hin / vonn den
heiligen kindern / denn es hat kein zweyffel / das die kinder habñ
gehört in Gottes reich / die getödtet sind von Herode / Wie den
der Euangelist anzeigt / der den spruch Hieremie anzeuhet vonn
den heyligen merckern. So nu das gewiß vnnnd fest stehet / das
das himelreich auch den kindern gehört / so müssen wir nu sehen
welchen kindern es gehört / denn so es allen kindern auch außser
halb der Christen kirchen gehört / so ist der tauffe nicht von nö-
ten / so aber vergebung der sünde nyrgent ist / denn wo das wort
vnd sacrament ist / so wirt vergebung der sünde allain den gehö-
en / vnd wider faren / den das wort vnd sacrament wirdt darge-
reicht vnd mitgeteylet. Nu kan man kein zeugtnus der schrift
auffbringen das die verheißung der gnade / den kindern gehört
die außserhalb der kirchen sein / vnnnd ist öffentlich am tag / das
vergebung der sünde nyrgent ist / denn wo das wort vnd sacra-
ment ist / Wie Petrus in geschichten der Aposteln am vierdeen.
sagt / es ist kein ander nam vnder dem himel den menschen gebß
dadurch sie sollen selig werden / denn sein name. So nu da allain
vergebung der sünde ist / wo das wort vnd sacrament ist / so vol-
get ye / das die seligkeit allain denen kindern gehört / den das sa-
crament wirt dargereicht / welchs ein zeichen ist / der zugesagte
gnade / in allerley alter / kindschafft / jugent / alte greysen / nychts
allain dem mans alter oder junglings alter.

Kainen starkenn tüglichen grund sehe ich / noch keynem
Spruch der schrift / den man müge wydder dyßen grund auff
bringenn / Denn so vergebung der sünde nyrgent ist / denn
wo das wort vnd Sacrament ist / volget / das die vergebung der
sünde /

Von der Jungen kinder Tauffe.

finde/allain den jungen kindern widerferet/die in versamlung der Christlichen Kirchen sind/wöllichen das zaychen der gnaden wirt dar geraycht.

Wo nun diser grund das gegenthayl duncket nit starck gnüg seyn/so lasset sie beweysen vnd war machen/das vergebung der sünde/den jungen kindern/der hayden/oder aussershalb der Eyrchen widerfare/sie wolten den lieber sagen/das die verhaiffung der gnade/den jungen kindern gar nichts gehöre/Aber wir haben yhe das widerspil oben angezaigt.

Aber hie wirt sagen das gegenthayl/zü der tauffe gehört/das wort vnd der glaube/so aber die kinder nichts verstehen/haben sie weder wort noch glauben.Wider den grund des gegenthails habe ich obengesetz das exempel der beschneydung/denn zü der beschneydung hört auch wort vnd glauben/Vnd Got hat doch gepotten die Jungen kinder zü beschneyden/Vn sind es yhe eynerlay gnade/einnes Christi/aüsserliche zaiheenn beyde/tauffe vnd beschneydung/die beschneydung aber ist ein zaiheenn nitt allain der leiplichen güter vñ verheiffung/sondern vil mer des verhaiffenen samens vnnd Christi.Wie Paulus zun Rhömern am vierdeen anzaiget/do ers nennet/ein zaiheenn der gerechtigkeit Vnd zun Galatern leret er/wie lanng zeyt/vor dem gesage dye verhaiffung der gnaden vnd der gerechtigkeit gewesen sey/wye nun die beschneydung anzaiget/als ein zaiheenn/das die vergebung der sünde/den Jungen kindern gehöret/wie wol sie noch nit vernunfft brauchen/oder das wort verstehn künden/also ist die tauffe ein zaiheenn/das die vergebung der sünde den Jungen kindern gehöret/wie wol sie die priedig oder das wort noch nit hören oder verstehn künden/Wo aber die widersacher hoch darauf dringen/das die kinder nichts verstehn/werden sie zü gleich sagen müssen/das antwer alle kinder zü Gottes reich gehören/oder ganz vnd gar laine.Die weyl aber das zü sagen nitt tangt/so müssen sie bekennen/das vergebung der sünde/den Jungen kindern allain gepüre/wöllichen das wort vnd sacrament wirt mit gethaylt.

Aber hie sagen die wydersacher/Es ist nyergent gepotten/das

Von der Jungen kinder Tauffe.

man die Kinder teuffen sol/Darauff ist meine antwort/Wiewol
kein öffentlich gepot in der gschrifft ist/so habenn wir doch eyn
exempel/das starck vnd tüchtig ist/nach dem die gschrifft solch
es nit verpeit. Item so haben wir gegründte vrsachen/die auß
der gschrifft genommen/Darumb für das erste/sollen die wider
sacher beweisen/wo die gschrifft verpotten habe/die Jungē kin
der zu teuffen/darnach sollen sie vrsach sagen/Warumb das ex
empel der beschneydung nit soll auff die tauffe gezogen werden
so alles Baydes die tauffe/vnd die beschneydung eines Christenn
zaychen sind.

Endelich sollen sie auch gnügsam verlegen disen grund wöl
cher auß der gschrifft genomen/als nemlich/dyß/wo verhaissung
der gnade den Jungen kindern auch gehört/Vnnd ist außser
halb der Christlichen Kirchen kaynevergebung der sünde/so vol
get yhe das dz eusserlich zaychen/der gnade sol vnd mag den sel
ben kindern/dargericht werden/wölchen es ein zaychen sey/dz
sie Christen sind/vnd vergebung der sünde haben.Dieweil dyser
grund auß der gschrifft genomen/so reden die wydersacher yren
mitwillen vund gewalt/das sie vnns beschuldigen/das wir on
grund der gschrifft/die tauffe der Jungen kinder eynführen/vnd
annemen.

Derhalben sehet ir nun wie ferlich es sey/den schwermern an
hängen/die da verpyetten/die Kinder zu teuffen/so es nyergente
doch geschriben/geschribet noch gemalet ist/das vergebung d
sünde yrgent sey/da nit dz wort vñ die sacramēt sind/Derhalbe
künden nymermer mit warheit die schwermern od Widerteuffer
sagen/das die Kinder/wölchen die tauffe nit dargericht würt/
soltten erhalten werden/od vergebung der sünden erlügen/Saget
ir Widerteuffer/Was für ein spuch/was für ein grüß d schuffe
wölche exempel der gschrifft wöllet ir doch hie auff bringen/das
ir vns beweiset/das außserhalb der Christlichen Kirchen vgebüß
der sünde sind.Darauff mag mā allain verstehen/wie vngewiß
ding ir lere ist.Vñ diß einige stücke solt die Widerteuffer für dech
tig machen/dz mā inen nit glauben geben solte/nemlich/das sy
eßen in dem/da sy die tauffe d Kinder verleugnē/ein gāz vngewiß

Von der Jungen kinder Tauffe.

ding dürfen für jähren/als das vergebung der sünde yrgent sey/
da nit das wort vnd sacrament sey. So nu ir lere so ungewyß ist
sehen wir/wie ganz ferlich es ist/wider der alte vater eintrecht-
iglichem maynung/wölche/wichtig vnd tapffere vsachen vnd
grund auß der gschrifft haben/ir lere annehmen.

Aber hie müssen wir auch zufällig sagen/was für ein sünde de
kindern vergeben wirt/Ich sehe das die vater gehalten haben/
das yn vergeben werde die erbsünde/Deñ also schreybet an vyl
ortten/vnd sonderlich wider Julianum Augustinus vnd zeisset
an/andere sprüche der alten/Dyser mainung/die weyl sie in der
gschrifft gründet/wil ich auch volgen/deñ die tauffe ist nit zu
halten/als für ein taub ledig zaichen/sonder für ein zaichenn der
vergebung der sünde/vnd für ein zaichen Götliches willes geg
vns/wie ich oben gesagt habe/Derhalben müssen wir hie sagen
wie nun die erbsünde vergeben werde.Deñ erbsünde wie es auch
nennen die alten vater/ist ein verderbung der natur/da wir on
Gottes forcht/on Gottes erkennndnis/on glawbenn geporen
werden/vnnd bünngen mit vnns ein angeborne böse lust/da
durch wir darnach yñ alle sünnde gezogen werden/Dye
verderbung der natur/ist gefolget auf den fal vnnd verbroch
en Adams. Vezund dyser zeyt sind etliche newe lere/die in den
stückten allzu vil/der vernunft/vnd der philosophey folgenn/
vnd dürfen verleugnen/das dise verderbung tödelich sünde sey
aber dieselben sind offentlich wider alle gschrifft/Augustinus
verwundert sich/das zu seinen zeytten/leüte waren/die da die
erbsünde verleugneten/so zuuo: niemants funden/der also ge-
halten/deñ es saget Augustinus also/von anbegiñe biß auff dy-
se zeit/sider das die newigkait auff kōmen ist die lere von der erb
sünde/in der ganzen Chrißlichen kirchen bestendiglich gehalt
ten.

Derhalbenn ist zu vnser zeyt/des mehr zuschelten/der selbi-
gen spyzigen leütet klügheit/wölliche dise/alte gegründete lere
von der erbsündedürffen anfechten. Aber wir wollen auch sprü-
che der gschrifft zusammen lesen/wölche anzeigen/das die natur
durch Adams fal/der maß verderbt/vñ das soliche verderbung

Uon der Jungen kinder Lauffe.

warlich siinde sey/zum Römern am fünfften/durch eynen menschen/ist die siinde in die welt komen/vñ der tod durch die siinde vñ ist also der tod/ober alle menschen/durch gangen/die weyl sy alle gesündigt hetten/vnd zum Ephesern/am andern Capittel Wir waren von art kinder des zorns/wie die andern. Kynder aber des zorns seyn/ist nichts anders / denn einer sollichen siinde schuldig sein/ober wölche Got zürnet/vñ wölche Got verdammen wil/vnd im fünffzigsten Psalm ist geschribē/Syheich bin in vntugent gemacht/vnd meine mütter hat mich in siinde empfangen/das ist/do ich gebylbet wardt in mütter leybe/war ich vnrayn/vnd an meiner geburt war siinde/ Vnd im ersten büch Moysi am achten Capitel/das richten des menschlichen hertzen ist alles böse/von der jugent auff/ Da zalget die gschafft an mit dem wort/wie es denn im hebreischen laut/das wir nit allain auff nachvolgen der andern/oder bösen exempeln verderbet werden wie die Pelagianer gehalten haben/vñ die philosophi/sondern das die art menschliches hertzen böse sey/vnd von kindhait auff mit sich bringe böse lust/allß wolt er sagē/das die arge böselüst ehe in dem menschen vnd an der natur sey/denn er verstandt gewynne/bößem exempel zu volgen/vnd es kan wol sein/das dyß hebreische wort/das lateinisch formatio mag verdolmetsetet werden/für empfangēnis vñ bildūg vnser geburt/ in mütter leybe möcht genōmen werden/ Vnd dazū gehōret der spruch Johannis am ersten/Wölche nit von dem geplūte etc. do verdammet der Enāgelist alle die yhemige so nit auß Got geporn sein. Item Johānis am dritten/ Was auß flaisch geporn ist/das ist flaisch. Item Paulus zum Römern am. 8. Das flaisch kan Gottes gesage nit vñdhan sein/denn es vermag es nit/Es vermocht aber dz flaisch gotes gesage vnderworffen zu sein/wenn es nit mit sich brechte verderbung der siinde/von mütter leybe an.

Der halben sollen wir wissen/das die natur verderbet sey/daz ist/das wir geporn werden on Gottes forcht/on glauben/gegen Got/vnd das wir mit vns vñ der geburt bringen böse lust / wölche kreffteig wirtct in vnsern gelydmassen/ wie Paulus sagt/vñ auß wölcher komen die siinde/der gleichen haltē wir das solche

Von der Jungenkinder Tauffe.

verderbung vnd böse naigüß an ir selbst ein solche sünde sey/vñ wölcher wyllen Got verdamet/Die philosophi habenn sie verwundert was es doch sey/das die menschen mit solchem gewalt stürze/vnd dahin reisse in allerlay sünde/das sie der vernunft/wölche yhe tugent vnd das güt weyset/nit künden volgen. Aber wir lernen es auß Christlicher lere/vnd geschriefft/das solches ein vrsach sey/die angeborne erbsünde/ Den nach Adams fal/ist er vnd alle seyne nachkömen/vermaledeyett/do her ist/solche verderbüß der natur/den gleich wie ein baum dürrt wirt/wen ihns Got vermaledeyett/also ist die natur/verderbet vnd geschwecht die weil wir kinder des zorns worden.

Nun wollen wir wider auff die sache kömen/So wirt nun die erbsünde den kindern vergeben/mit also/das die selb ganze seuche weg genömen wurde/sondern es wirt in also vergeben/das ynen die schuld der sünden nit wirdet zu gerechnet/oder wie die väter dauon reden/die weyl wir in diesem fleisch leben bleibet etc/was vberig von der selben seuche/es wirt aber den so in Christo sind nit zu gerechnet. So werden nun die kinder zu gnaden genömen vnd gehailiget von Got/wie den von der beschneydung geschribenn stehett/Ich will ir Gott sein/das ist/ich will sie zu gnaden annemen/sie behütten/sie hailigen/vñ in yhn durch meinen gaist wircken/Also auch werden die getauffte kinder angenommen zu gnaden gehailiget vnd behüt vonn Gott/wie wol sie der vernunft noch nit brauchen künden/so wirckt doch krefftig Got in yhn. Den die vernunft oder natur/vermag nit in yemandes/auch nit in den alten/zü wircken/ein rechte fromtalt die vor Got gilt/sondern Got treibet vns ein solch schreck vñ zaiget vns erst die sünde/wen er will zur buße raffen/vñ rechenwertigt/vñ tröst vns wider durch den glauben. Es hat der hailig gaist gewirckt/das Johannes der täuffer ehe er geporn ward/füllet den gegenwertigen Christum/also künden auch andere kinder vñ außersölten/vom hailigen gaist/on zu thon der vernunft/gehailiget werden.

Bissher haben wir von der Tauffe der kinder geredt/für wölche kindlin denn (wie Augustinus saget) wir der halben bester

Von der Jungen kinder Tauffe

Keyffiger vnd hefftiger sechten sollen/das sie als die vnständigen/ ihr wort nicht selbs reden können/ vnnnd ist meynes einfürens vnd beschlusses/dys die summa gewesen/ so vergebung der sünde nyrgent ist/ dan wo das wort vnd sacrament ist/ so volget das allein den kindern vergebung der sünde widerferet/ wölchen das Sacrament ist dargereicht/ wölliches ein zeychen ist/ das vergebung der sünde ihnen gehöret.

Vnd so yemandes darauff weytter bringen wurd/ das das Sacrament/ an sich alleyn nicht ein zeychen sey der vergebung der sünden/ dem halten wir für das exempel der beschneydung/ wölche ein zeychen ist/ das die vergebung der sünde den kindern gehöret vnd widerfare/ wiewol sie das wort nicht hören oder verstehen/ Vnd das exempel zeyget an/ das ein brauch sey/ allein des außserlichen zeychens vnd Sacraments/ an sich selbs von nöten bey den/ so das wort nicht verstehen. So nur yemandes fraget/ was den kindern die tauffe nutz sey/ ist die antwort/ Ein zeychen ist es/ das vergebung der sünde ihnen auch gehöret. Vnd weyter/ Weyl nyenderet vergebung der sünde ist/ dan wo das wort vnd sacrament ist/ volget/ das die ihenigen vergebung der sünde erlangen/ wöllichen das Sacrament würdt dar gereicht/ Dann die ganze Christliche kirche glaubet/ das vergebung der sünde/ do sey/ wo das wort vnd zeychen ist/ vnd inn dem selben glauben beilett sie die kinder Gotte/ vnnnd raycht ihn das zeychen/ dann Christus saget/ Laß die kinder zu mir kommen/ dann es kan nicht gewisse vergebung der sünde sein/ wo nicht das wort vnd zeychen ist/ Disen glauben der Kirche zünerwerffen/ haben die widerteuffer gar keyn vrsach/ dan sie können nicht beweysen/ das vergebung der sünde außserhalb der kirchen sey.

Die nun darauff dingen/ das man sich soll wydertenffenn lassen/ haben allein dise vrsach/ das der kinder tauffe nichts sey/ Nur verbeit yhe die gschrifft nyrgent die kynder zu teuffen/ vnd Christus zeiget selbs/ das ihr das hymelreich sey/ vnd beuillt sie zu ihm zu bringen/ saget/ das hymelreich sey ihr/ Saget darzu das die Engel ihnen vom vatter bey geben seynd/ sie zu beschützen vnd behüten/ Ihr Engel/ spricht er/ sehen alle zeyt das ange-

Von der Jungen kinder Tauffe.

sichte meines vatters der im hymel ist/ So seind es nur on zweiffel heylige Gottes kynder/ die von den Engeln behütet werden. Diweyl nur das also ist/ warum absündern die Widerrensser sie auß der Christlichen kirchen vñ den sacramenten/ so es doch klar ist/ das nyrgent vergebung der sünde ist/ den wo das wort vñ sacrament ist. So sie nur kein grund oder ursach haben die kinder tauffe zñnerwerffen/ so ist nit von nöten die leütche wider zñtauffen/ Die schwermer aber die darauff dringen/ dencken die tauffe wircken nur ein mal/ vñ nur auff eyne zeyt. Alls wan ich an hebbß büß zñtho vñ zñ glauben/ als den erst/ sagen sie/ solt mñ d tauffe brauchen/ das allso das herze mit dem zeychen vber einstymme. Sage/ woz wollen vns die hie anfahen/ wollen sie die leüte so offte tauffen/ als sie wider fallen vñ büß thün. Aber ich sihe wol/ das sie die art der weyse/ vñ krafft des zeychens nit recht verstehen/ Sie wollen wenen die zeichen sind darum eingesetzt/ dz sie zeigkennus sollen sein vnfers glaubens gegen menschen. Aber wir haben oben klar angezeigt/ dz sie nit allain zeugknis sein vnfers glaubens gegen menschen/ sondern sinde darumß geben/ das sie sollē zeugknis sein Götlichs willens gegen vns/ wie auch das eusserlich wortt ist/ Gleich nun wie die predig vñ lere vor der büße vñ rechtfertigig her gehet/ also auch wen die tauffe vor d büße/ her gehet/ sol sie dñß nit verworffen werden. Es leret vñ höret eyn newling der zñ Christenthumb begert vil dinges ehe er warlich glaubet/ solt dñm/ das wort dz eusserlich gehöret wirt/ falsch/ od auß dem sinne weg zñ thon sein/ Also sol auch die tauffe nit verworffen werden/ oder auffß new abgewaschenn/ wenn sie auch gleich etwas vor der zeit/ wirt dargereicht/ Derhalben mag mñ kind tauffen/ den dz wort ist ye so würdig vñ heilig als dz zeichē.

Gleich aber wie das wortt/ das du ein mal gelernet hast/ hernach auch das herze vñ gewyssen erwecket vñnd stercket/ also auch die tauffe/ wenn sie ein mal dargeraycht/ erwecket vñ das gannge lebenn durch/ zur büße vñnd zum glaubenn/ Darumb gehöret die tauffe oder ir wircken nicht allein zñ eyner zeyt/ wie auch die büße nicht allayn zñ eynner zeytt geschichte/ sonnder das gannz lebenn durch soll vnser altt mensch getödtet/

Von der Tünngen kinder Tauffe.

vnd die sicherheit des flaisches weg gethon werde/do gegen der new im glauben vnd gaistlichen fryde/vor Gott wachsen vnnnd sünemen.

Auß diesem kan man schliessen/das man die so in der jugent getaufft mit soll wider täuffen. Syhe aber was für nutz der wyder teuffer lere bringet/von der aufferlichen Ceremonien richten sie grossen zangt vnd haber an/vom rechten brauch des zaychens schweigen sie ganz stille. Wir wollen aber/den rechten brauch der tauffe/vnd das wortt der tauffe ansehen/wöliche gar hoch vnd groß die erschrocken gewysen auff richte vnd trösten müge denn was verstehet man in disen wortten. Ich teuffe dich yhm namen des Vaters/des Sons/vnd des hailigenn Gaists/Dyse wortzeugen/das Got der vater/der son/der hailige gaist/vnns zu gnaden nemen/vnnd wie wol wir fülen das wir ewigen zorn verdienet haben vnnd ewigen tod/doch wollen sie do bey vnns sein/die sünde vergeben/den gaist vnd neues leben/newen sinn vnd müt yn vns wircken.

Also verbyndet sich nun Gott mit vns/Bayde durch das aufferlich sigel vnd eufferlich wort/das er sich will vnser erbarmen in allen gnaden/vns mit dem blüt seines sons Ihesu Christi besprengen/den alten Adam tödten/ein new gaistlich leben/vnd alles güt inn vns wircken/Wenn nun vnser bestörzet gewysen wenn es auff's höchste erschreckt ist/fülett das es nichts denn tod vnd zorn verdienet hatt/so sollen wir dises zaychen ansehen/vnd wenn wir in das wasser getaucht werden/wysen wir das do warlich gegenwertig ist/die maiestät/der vater/der son/der hailige gaist/vns sünde zu vergeben/vnd zu erhalten/Denn darumb/das wir sollen glauben/vergebung der sünde/steht Götlicher beuelh/da zu teuffen/in Gottes namen ic.

Da will Gott das wir seinen Götlichen namen sollen anrufen/vnd Götlichen zusagen glauben/Dise wort aber vnd weyse zu reden/Ich teuffe dich im namen des vaters ic. magst du also verstehn/wie der zwainzigste Psalm redet. Vñene verlassen sich auff wägen vnd rosse/wir aber verlassen vnns auff den namen vnsers Gottes/das ist/wir streyeten vnnd fechten auß Gottes beuelh

Von der Jungen kinder tauffe

befehl vnd deshalb verlassen wir vns dar auff/das got bey vns
ist/vns hilfft vnd beistehet/also werden wir getaufft/auch ym
namen des Vaters des Söns vnd des heiligen Geists/das ist/
die weil wir getaufft werden/aus seinem befehl vnd ordnung/
sollen wirs für gewis halten/das er vns zu gnaden angenommen
bey vns ist/vns hilfft/vns erhalt/Auff den selbigen verstandt
mets auch/wenn du dis wort also auslegest/Im namen des vater
ers/das ist an stat des vaters 2c. Denn der do an Gotes stadt
teuffet/der zeuget/das vns Got selbs teufft/so nu Got vns selbs
yns wasser tauchet/vnd mit dem blüt seines söns besprengt/vñ
durch den geist heiliget/so wirt er vns on zweifel/vernewen/vñ
geistlich lebendig machen/auch wirt gleich der verstand darauff
wenn du sprichst/Ich teuffe dich im namen des vaters/das die
wort also anzeigen/das wir schon Gotes eigenthumb/vnd eig
enschaft sind/das wir also Got versünnet sein/das wir mügen
seinen namen frölich anrufen/vnd wissen/das er für vns sorgt
das wir von yhm allenthalben erhalten vnd geheiligt werden.

Auff dise wortt der tauffe ist achtung zu haben/vnsern glau
ben zu erwecken/vnd zu stercken/in welchem wir sehen/wie sich
so reichlich gegen vns aus ergetzt Götlich güte vñ gnade/das
sie sich vns selbs zeige/das wir glauben vnd erhalten werdenn/
darumb sollen wir Gott bitten/das er vns erwecke vñ stercke
den glauben/das wir solche mechtige vberschwenglich güte er
kennen/vñ allzeit preisen mügen/vñ dise vbung des glaubens
antwort ist (das ich hie Christus wort brauche) das fürnemste
am gesetz/von den Ceremonien zu zanken/ist vil ein anderß.

Als vil dise zeit möglich gewest/haben wir angezeigt/wie ver
geblich/gottlos vnd vnnutze der Widerteuffer lere sey/Deñ der
kinder tauffe sol man nicht verwerffen/nach dem yhn die verge
bung der sünd auch gehört/welche nirgent ist/deñ wo das wort
vnd sacrament ist/vnd ob yemants für der zeit des verstandes
getaufft wirdet/darumb ist die tauffe nicht zu verwerffe/Ge
leich wie das gepredigt wort nit zu verwerffen ist oder zu verler

Uon gemeinschaft der güter

men/das einer für der rechtfertigung/also ein newling gehört hat
Es haben die wider teuffer auch ander zeichen vnnnd flecken
da bey zu mercken/was der geyst in in redet. Paulus saget man
solle die geister prüfen/ob sie auß Goe sein/Derhalben sehen sich
die ganz vbel für/die sich zu solchen rotten plötzlich vnbedachte
toll dahin begeben/ehe sie jr lere recht haben/auff der goldwagē
bewerde/vnd angesehen/Es ist ganz vnchristlich/das sie leren
Ein Christen könne nicht götlich in fürsten/herrn/Richter
oder Oberkeit ampt sein/oder solches vben vnnnd führen/gerichte
sigen/das schwerdt wider die bösen brauchen/vnd der gleichen
davon ich zu vor offte gesagt. Dergleichen ist ganz vnchristlich
das sie fodern/die Christen sollen nicht eigens haben/jr güter
allein gemein geben/von welchem stucke wir hie auch zu fellig
etwas sagen wollen. Es ist die selbe vngötliche lere/von gmain
schafft aller güter/des zündpulsfers ain güter tall/damit sollich
feuer der auffrühr verschiner zeit angezündet/welchs da weiter
geflohen vnd so vil grossen schaden than/vnd solche lere treiben
die Schwermerischen wütende geister/in das vnuerstendig ein
fellig volck.

Ich achte sie nicht weniger für auffrührisch/die da gemeinne
bewerte weltliche ordnung vnd gesetz/welche von teylung vnd
eigenthumb der habe vnnnd güter melden/wollen zu trennen/
denn die yentigen/die do ganz auß der Cristenheite/oberkeit vnd
regiment wollen abthun. Darumb wider den schedlichen yri-
thumb schliesse ich also/das die Christen mügen güter vnnnd
rechtumb haben/vnnnd besigen/das zayget klar Paulus an/11.
Corinth. 13. do er leret vnd vermanet/zü geben vnd mit zü teilen
den armen/als vil ein yeglicher will/nicht auß nöetung odder
bedrengnus/do Paulus yhe klar anzeigt/das die Christen nit
sollen gezwungen werden/yhre güter ganz zulassen. Wo es
nun an sich selbs sünde were/reich sein odder güter habenn/so
wurde der Apostel gefodert vnd in gebotten haben/yhre güter
zulassen/vnnnd wärde es nicht in aines yeglichen gefallen gestel-

Von gemeinschaft der gütter

tes haben zu geben/so vil er wolt. Vnd zu Thimo. 1. Thimo. am letzten/sagt er/Den reichen von diser welt gebeut das sie nyche nach hohen dingen trachten/auch nicht hoffen auff den vngewissen reichthumb/sondern auff den lebendigen got. Sehet da der Apostel gebeut nicht/das sie die gütter ganz lassen/oder dz sie die ganz sollen in gemein geben/vnnd so reich sein/ein sünde were/so wurde Paulus die reichen vnder die Christen/vnd jung er nicht mit gezelet haben/vnd wo die Christliche lere/oder Christus das selbe als ein nödtig haupstück fodert/so müste ein yeglicher erst alle gütter lassen/ehewir Christen wurden. Item Christus Mathey am 19. saget nicht das es vnmüglich/sonder das es schwere sey/den reichen ins himelreich zukommen/vnnd darüber/so bestetiget/das Euangelion/Richter ampt/oberkeit/vnd alle ordnung gesetz vnd regiment/also ist darinne begriffen/kauffen/verkauffen/gütter/vnd erbeteylen/Das wille auch Paulus zum Cor. 7. do er sagt/die do kauffen als behielten sie es nicht/das ist/man mag kauffen gütter/vnd narung merren/aber für geiz vnd vnglauben sol man sich hüten.

Vnd zu dergleichen sachen vnd fellen diser welt/vnnd dieses lebens gehöret auch das da folget/Brauchet diser welt als Brauchet jrer nicht/das ist/unßbrauchet der welt aber nicht/die oberkeit mag jr ampt thun/man mag ehelich werdenn/arbeiten/handwerck vben/kinder ziehen/narung erwerben/aber sollichs alles sehet hüt in gottes forcht vnd im glauben. Es sol aber ein Christ inß außhalten/narung vñ dergleichen Salamons regeln folgen/do er sagt/trinck wasser auß deiner grübē/vñ flüsse auß deine bröñen/laß deine bröñe herauß fließen/vñ die wasserbäch auff die gassen/habe du sie aber allein/vnd kein frembder myt dir/dein Brunn sey gesegnet/Denn das ist die mainung/ein yeglicher soll seyns bröñes herr sein/das ist er soll sein güter/acker vnd anders was er hat/gehalten/aber von dem bröñ lassen auß fließen/dz ist/er sol dauon armen helfen/als vil yhm müglich/

Von gemeinschaft der güter

Vnd zu letzt ist ein Götliche zusage angehefft/ do er verheisset/
das Gott werde segnen/die yenigen an yhrem zeitlichen güte/
welche es also gebrauchen/also gebet die schrift werck/ Chri-
stliche liebe / nicht do mit nider zustoßenn / alle ordenliche
gesetze/teuffenn verkauffenn/eygenhumb:c. sondern vil mehr
den fride vnd gemeine zu erhalten.

Aberhie wirt angezogen werden/der spruch Christi/ Willen
volkomen sein/so gehe hin vnd verkauff alles was du hast/vnd
gib es den armen/so wirst du ein schatz im himel habē / Komme
vnd folge mir nach/Den spruch wollen wir kurz auslegen/damit
er nicht mit langer rede tuncfeler werde/Das wort Christ
ist auff die einige person/zu der do Christus redet/gerichtet/vnd
nicht auff alle/den es folget ym text/Kom folge mir nach/wel-
che wort anzeigen/das er zu lere ampt beruffen wird/gleich wie
Christus nun mit alle mensche/zum predig ampt beruffet/also ge-
bet er auch nicht allen yhr güter zu lassen/oder zu verkauffen.

Das ist nach meinem verstande die einfeltigste auslegung/dam
die vmbstende/zeigen an/das es nicht einn gemeinne gebot sey/
vber alle/sonder den fürwitz vnd stolz des Jüngelings /triffet
Christus durch ein eigen hohen beruff/denn do der Jungling
so müthig rühmet/wie er alle gebot gehalten hette/zeigt im Chri-
stus an/das er auch das aller erste gebot noch nicht erfüllet hab
welches gebet Got zu lieben von ganzem herten/Den er liebe
also seine narung vnd güter/das er sich beschwert/darumb das
predig ampt anzunehmen/Vnd Christus damit er yhm klar an-
zeige/das er zeitliche güter vber Gott liebet/Biesse er ihn die gü-
ter vmb Gottes willen verkauffen/vber das/so gebet auch der
spruch/die güter allein zu verkauffen nicht ganz zulassen/vnnd
in gemein zugebē/vnd das gelt ist sein bliben/nicht ins gemeine
geben/Auch ist S. Augustinus gefragt/ob die Christen möch-
ten güter haben vnd besitzen/Denn es ist nicht ein mal des stück
es halben/ymder kirchen/zant vnd irrung erstanden/So leget
nu Augustinus den spruch also auff/das es ein volkomen heye

Von gemeinschaft der güter

sey/die güter verlassen/wie auch die Iuncftrauschaft oder die gabe/der gezüng ein volkommenheit ist/vnd auff die weise (sage et) sey der spruch zu verstehen/wiltu vollkommen sein 1c.

Es kane aber einer one solche volkommenheit/wie auch one die gabe/der gezüng ein Christ sein/Denn wie ware Christliche volkommenheit stehet nicht in irgent einem eusserlichem dinge/in reichthumb oder armüt/im ehelichen leben oder iuncftrauschaft/sondern in Gottes fürcht/ym glauben/in hoffnung/yn volkomener liebe. Tu werden sie hie aber auch das exempel der Aposteln auffbringen/welche alles in gemein geben haben/darauff ist die antwort/Wir reden da von ob es geboten sey/das ein Christ sein güter lassen solle.

Es möchten wol etlich sich willig vereinigen/vnd die gütter ynn gemeine geben/wie auch in der ersten Christenn gemein geschach/welche auch die not do hin drang/den die güter worden yhn mit gewalt genomen/alle den tenigen die mannt wuste/das sie Christen worden were. Darüb verkaufften sie solches zu vor damit sie von den Tyrannen nicht beraubt wurden/aber das exempel zwinget nicht/das es die ander auch thun müssen/gleich wie nicht volget/das man sol den priestern oder predigern ehlich stand verpieten/das Paulus etlich zeit on weib gelebet.

Derhalben sol man niemants zwingen/sondern frey lassen/wöl len etliche willig yhre güter gemeine geben ist nicht verboten/Anantas ist eilend tod blieben/von Petro gestraffet/nicht das er das gelt behalten/sondern das er dem heiligen geist häre gelogen/denn Petrus sagt offentlich/were das gelt nicht gleich wol dein bliben/vnd zürnet darumb so hefftig/das er nicht menschen/sondern dem heiligen geist gelogen hette. Es wird aber auch hie vns für geworffen werden der spruch Christi/Du solt einem yeglichen/der dich bit/geben. Aber man kan leichtlich mercken das der spruch nicht erfordert/das wir die güter gar lassen sollz/vnd bloß weg gehen/denn so er heist geben/zeiget er gnüg an.

Diij

Von gmeinschafft der güter

das man die güter behalten müge/da von man neme/das wir
mehr geben können/vnd Paulus 2. Chorinth. 8. leget den
spruch also aus/das man geben sol/nicht also/das die ander rü-
ge haben/vnd wir trübsal ic. So ist nu der spruch also zu verste-
hen/das wir nicht mager geringe almöfen/sondern reiche alle-
müfen vnd steter geben sollen/Darumb misbrachen des spru-
chs alle die in dahin strecken/das er solche gmeinschafft der gü-
ter beweisen sollen/Durch welche gemeine welt vnd regiments
ordnung/teilung der güter/eigenthumb/zutrennet wirt. Wye
nu die ienigen auffrührisch sind/die sich wider ordenlich oberke-
mter gewalt setzen/also sind die auch auffrührisch die do solche
welche gesetze niderstossen/vnd verpieten/ein yblichen das
sein zu haben/Vnd es gehet vns hie in Christlichen sachen nicht
an/der Philosophus Socrates/was der selbige geleret hat vñ
aller güter gmeinschafft/ist nur ein feinn traum/do er als ein
weiser man ein form eins ganz runden vnd vollkömen stat regi-
ments/vnd güten wesens hat wollen anzeigen/nur mit worten
fein lieblich dauon geredt/das aller güter gmeinschafft sein sol-
ten ein solche stat aber wirt nirgent funden. Christus leret vns
das wir die gefassten/auffgerichteten welchẽ ordnung/der Re-
giment in landen vnd stetten/nicht brechen sollen/In der aber/
reichlich/frölich mildiglich den armen helfen vnd mitteilen/vñ
sonderlich/den pfarrern/predigern/diacon/denn den sind wir
es am meisten schuldig/wie die schrift an vilen orten saget/Ab-
er nie hat man sich vnfreundlicher heßlicher gestelt gegen die
pfarrer/vnd diener der kirchen/denn eben diser zeit/Welche die
fast Euangelisch sein wollen reißen zu sich die güter/so pfarren
predigstülen/schulen/kirchen/geben sinnd/ohne welche wir zu-
legt heiden werden/one welche die lere der Christenheit nicht
mager halten werden/Das gemeine volck vñ pöbel/wegert sei-
nen pfarrern yhr gepür/vnd das thun die ienigen/amersten/so
fast Euangelisch sich rühmen/so doch niemants mit den lerern
vnd predigern vnfreundlicher vmb gehet/Die diener des worts

Von gemeinschaft der güter

wie Paulus schreibet 1. Timo. 5. sind zwisacher ewert/Da-
rumb soll man allerley wercke der liebe gegen yhnen / sonderlich
vben vnderzeigen.

So halten wir es nu also/das ein Christ recht thut/so ernach-
den auffgerichten/welt ordnung der lender vnd stette/in seinen
gütern bleibe/doch also das er willig vñ gerne den armen mitthei-
le/solchen wercken der liebe/ist reicher lon von Gott zu gesagt /
im psalm/Er strewet aus vnd gibt den armen/sein gerechtich-
eit bleibt ewiglich. Dis hab ich wollen auch also verynern vñ ver-
manen/denn ich vnder andern gottlosen leren/der widerteuffer
auch dises finde/do sie leren/Christen sollen yhre güter gar lassē
vnd in gemein geben/die nu solchs leren/ist klar/das sie nit auß
gott sein/Es ist kaum ein ferlicher zeit gewesen/derhalbenn ist
dest fleissiger zu wachen/das man solche geister prüfe/vnd one
fleissiger genaw anffsehen nichts anneme. Got sey lob/Amē.

1. The first of these is the fact that the majority of the population of the United States is now living in urban areas. This is a result of the process of urbanization, which has been going on since the beginning of the 20th century. The population of the United States has increased from about 100 million in 1900 to over 200 million in 1960. At the same time, the population of rural areas has decreased from about 100 million in 1900 to about 50 million in 1960. This has led to a concentration of the population in urban areas, which has had a profound effect on the economy and society.

